



## **Waerachtige Historie Van de Martelaers Van Gorcom**

**Estius, Wilhelm**

**Antwerpen, 1604**

Capittel III. Hoe de stadt van Geertruyden-berghen vande Geusen  
inne-ghenomen, ende P. Wilhelmus al-daeer ghevanghen wierdt.

---

[urn:nbn:de:hbz:466:1-64552](#)

met hen nu soo verre ghecomen was / dat sy leef-  
den als menschen sonder Godt . Een waerach-  
tigh woordt . Het welck hem naer-der-handt/  
doen hy ghevanghen was / vande vanden ver-  
weten wierdt : als oft hy ghelegh soude hebben/  
dat in Hollandt ende Zeelandt geen Godt en ware/  
al-willens sijn woorden al-soo bedrieghelyck op  
eenen quaeden sin treckende / ghelyck de ketters  
veur maniere hebben . Want anders-sins seght-  
men ghemeynelijck / dat Godt hy die menschen  
niet en is / die oft hem niet en kennen oft niet op-  
rechtelijck en dienen : ghelyck oock de H. Schrif-  
tuere dick-wils is sprekende .

## CAPITTEL III.

Hoe de stadt van Geertruyden-berghen van-  
de Geusen inne-ghenomen , ende P. Wil-  
helmus al-daer ghevanghen wierdt .

**T**Er wijlen dat Wilhelmus te Geertruyden-  
berghe was / ist ghebeurt dat de selue stadt  
met listigheden vande Geusche soldaeten is inne-  
ghenomen . Dit is ghebeurt in't jaer 1573 .  
opden lesten dagh Augusti s'morghens veur der  
sonnen op-gangh . De Geusen hebbende de stadt  
inne-ghecregen / zyn ter-stondt ouer-al gheloopen/  
ende hebben alle hoecken eerstelijck deur-socht /  
oft sy ergheringhs Priesters / oft Religieusen /  
oft oock s'Coninghs soldaeten souden connen ghe-  
vinden / om de selue ghevonden hebbende / eerst te  
plunderen / ende daer naer dooit te slaen . Veur  
d'eerste is hen in't ghemoet ghecomen eene heer  
Willem van Galen Priester ende Canonick al-  
daer / aen wien dese raelende menschen hunne  
wreedtheypdt ende moorden beginnende / hebben  
hem

hem ter-stondt te dier stede vermoordt. **Sijn li-**  
**chaem leelijcken mis-handelt / is by-naer twee da-**  
**ghen langh naeckt ende onbegrauen opde opene**  
**straete blyuen ligghen. Sulcks is oock ghebeurt**  
**mette lichaemen van s' Coninghs soldaeten / die**  
**sy schier alle te samen ghevonden ende docht-ghe-**  
**slaghen hebbent. Ten lesten hebbent sy die op siend-**  
**den gheleghet ende al-soo ghevoert naer de vesten /**  
**ende al-daer ghelyck beesten in grachten t'samen**  
**gheworpen / waer deur de straeten ouer-al heel met**  
**bloede bespreyd zyn ghebleuen. Den meesten hoop**  
**vande borghers midts dat sy verclaerden te willen**  
**vol-herden in het Catholyck ghelooue / ende onder-**  
**danigheydt van de Coninghlycke Maiesteyt / zyn**  
**van alle hunne goeden beroost / ende in vele an-**  
**dere manieren swaerlijck ouer - vallen ende ver-**  
**druct. Waerom oock het meeste deel de stadt heeft**  
**verlaeten / ende is ghetrocken ghewillighijk in**  
**ballinghyschap. Voordts zyn vande Geusen gevans-**  
**ghen ghenomen ende inden kercker ghestelt alle de**  
**Priesters die inde stadt ghebleuen waren / uyt-**  
**ghenomen twee / waer van de eene was de Dekken**  
**vande Canonicken dier plaets / de andere een Ca-**  
**nonick. De Dekken was ghenoemt heer Aert**  
**Swaen van Gooyle / die daer naer de historie**  
**van het martyrie dat sy nu veur handen hebbent**  
**in Duytsch heeft uyt-ghegeuen. Dese is gheblo-**  
**den naer de vesten vander stadt / ende als hy ouer**  
**den muer ghespronghen was tot inde om-liggende**  
**gracht / heeft al-soo vier-thien uren langh ver-**  
**volghens in't water ghestaen / dat het hoofdt alleen**  
**uyt-stack / hoe wel dat hy oock dick-wils als de**  
**Geusen daer omtrent quamen oft schoten / sijn**  
**hoofdt in't water moeste dupcken. Oock den**  
**hoest die hem midts de groote couwe seer perste /**

ronste hy qualijck bedwinghen / nochtans be-  
wongh hy hem soe seer alst moghelyck was /  
op dat hy deur het ghelydt niet verraden en soude  
worden. Maer de andere H. Gaspar Jacobssen  
is heynelijcke deur toe-doen van sijn vrienden van-  
de vesten af-ghelacten / ende heeft den gheheelen  
dagh verborghen gheleghen in eenen wijntam/ oft  
vochtigh wilghen-bosch / ghelycker daer omtrent  
vele zyn. Ende al-soo zyn sy beyde metten duyste-  
ren nacht vry ontcomen. Onder de ghene die ghe-  
vanghen waren was de principaelste P. Willem  
van ter Gouw / dien sy de handen achter opden  
rugghe seer vast ghebonden hebben / ghelyck-men-  
den quaedt-doenders plagh te doen / ende stracks  
hebben hem de soldaeten ghebragt veur hunnen  
Provost / versoeckende dat de monick van stonden  
aen soude op-ghehanghen worden. Dit hoorzen-  
de Wilhelmus / heeft stoutelijck uyt-ghesproken  
dat hy bereedt was te steruen veur het Catholijck  
gelooue/ende dat sy met hem souden doen wat hen  
beliede. Deur dit woordt der Christelijcker wo-  
mijndt de barbarische menschen verbittert zyn-  
de / hebben hem seer onbeleefdelyck beginnen te  
bespotten / ende naer dat sy hem in velerley ma-  
nieren hadden ghequelt / hebben hem ten lesten  
ghelydt in een camer van des Provosts huys/ daer  
hem ter-stondt de ijvere boepen wierden aen - ghe-  
daen. In dese selfste camer was oock ghevanghen  
ghestelt een religius van der seluer Orden P. Jan  
Voghel-sangh / Priester ende biecht-vader oft  
Pater van een Nonnen-clooster al-daer / wesen-  
de seer dunne ghekleedt / ende in't hoofdt seer ghe-  
quelt. Dessen mede-gheselle in't verdriet soo haest  
als Wilhelmus ghesien heeft / hem verheughende  
inden gheest/ heeft dus-danigh ghebedt ghesproken:

Acht

Ich dancke u Heere Jesu Christe / dat ich in uwen  
ooghen weerdigh gheacht woyde dese verlinade-  
lyckheydt van banden ende ghevanghenisse te li-  
den . Ich dancke u dat ghy my hier ghesonden  
hebt om de croonen van uwe Heylighen declarat-  
tigh te worden . Gheest my doch sterckheydt / dat  
ick in mijn behydinghe vromelijck magh blijuen  
staen / noch deur eenighe listiche treken der duypue-  
len my en laete af-treken van u woord ende Apostolijck  
ghelooue . Toen hebben sy hem de handen  
los ghemaecte ende al-soo by P. Jan Voghelsangh als  
ghevanghen ghestelt . Dese twee Godts  
vruchtighe mannen / als sy nu alleen waren / op  
dat sy niet supuere conscientien souden ten strijde  
trecken / hebben teghen malcanderen op der Chri-  
stenen maniere hunne sonden ghebiecht . Ten  
anderen hebben t'samen diek wils hun ghebeden  
ghestort / deur de welche sy hunnen strijd Gode  
hertelijcken recommandeerden / biddende als sy  
vechten souden veur sijnen naem ende veur de bes-  
houdinghe van het Catholijck gheloooue / dat hy hen  
patientie ende vol-herdigheydt wilde verleenen .  
Daer-en-bouen sy bevestighden hunnen moedt met  
de exemplelen Christi ende der heyligher Martelare-  
ren / ende met de hope der saligher vergheldinghe /  
ende vermaenden malcanderen om vromelijck te  
verdraghen al wat hen van de moedt-willighe  
wreedheydt der vanden moght worden aen-  
ghedaen .